

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj:65 0 I 909362 21 I
Sarajevo, 04.09.2024. godine

OPĆINSKI SUD U SARAJEVU, sudija Amila Begović, u izvršnom postupku tražioca izvršenja Banka Srpske Ad Banja Luka - U Stečaju, ulica Aleja Svetog Save broj 61., protiv izvršenika M.H. iz Vogošće, zastupan po advokatu Mirna Kovač iz Sarajeva, radi Izvršenje na nepokretnostima, v.sp. 11.406,79 KM, van ročišta, donio je dana 04.09.2024. godine, slijedeći

Z A K L J U Č A K

Određuje se ročište za DRUGU javnu prodaju nepokretnosti za dan

PONEDJELJAK, 25.10.2024. godine u 11 sati

I to:

- suvlasničkog dijela nepokretnosti upisane u ZK uložak br. 992 K.O. Vogošća, broj parcele 1002/1, u ravan, PAŠNJAK 2 KLASE površine 1049m², vlasništvo izvršenika 1/1.

-

Javno nadmetanje održat će se u prostorijama Općinskog suda u Sarajevu, soba br. 440/IV-izvršni odjel ovog suda.

Konstatuje se da je vrijednost suvlasničkog dijela predmetne nekretnine utvrđena u iznosu od 40.459,20KM, a prema nalazu stalnog sudskog vještaka Selim Škaljić od 23.04.2024.godine.

Na drugom ročištu za javno nadmetanje nekretnina se ne može prodati ispod 1/3(jedne trećine) utvrđene vrijednosti koja je navedena u tački 1.ovog zaključka

U javnom nadmetanju iz tačke 1. ovog zaključka kao kupci mogu učestvovati samo lica koja su prethodno dala osiguranje.

Osiguranje iznosi 1/10 utvrđene vrijednosti nepokretnosti, najviše do 10.000,00 KM. Osobe koje sudjeluju u javnom nadmetanju dužne su prije početka ročišta sudu predati uplatnicu iz koje je vidljivo da je osiguranje položeno.

Osiguranje se polaže na depozitni račun Općinskog suda u Sarajevu koji se vodi kod Bosna Bank International dd Sarajevo broj 1411965320009639 sa naznakom broja predmeta

Ponuđačima čija ponuda nije prihvaćena, osim za tri najbolja ponuđača, vratiće se osiguranje odmah nakon zaključenja javnog nadmetanja.

Osiguranje u ovoj izvršnoj stvari nije dužan dati tražilac izvršenja na čiji je prijedlog određeno izvršenje.

Ovaj zaključak objaviće se na oglasnoj tabli ovog suda a tražilac izvršenja može o svom trošku objaviti zaključak o prodaji u sredstvima javnog informiranja odnosno o zaključku obavijestiti lica koja se bave posredovanjem u prodaji nepokretnosti.

**SUDIJA
Amila Begović**

POUKA:

Protiv ovog zaključka nije dozvoljen poseban pravni lijek.